

二十四節氣詩（春）

鄧豐洲



立春

東風解凍地消皚，天暖蟄蟲始振開；
魚陟負冰陽氣至，一元復始立春來。



雨水

孟春鴻雁北歸居，草木萌生獺祭魚；
節日如逢連降雨，年成農作豐收餘。



驚蟄

桃花開始鶯鷓唱，動物冬藏震醒行；
驚蟄如聞雷響起，豐收稻米穀倉盈。



春分

晝夜均長玄鳥至，陰陽相薄發雷聲；
春分節日逢靈雨，作物滋榮茂盛生。



清明

桐華始綻斗逢丁，萬物皆齊景氣明；
習俗流傳行祭祖，踏青寒食嫩芽萌。



穀雨

布穀追鳴拂雨颺，萍生戴勝降於桑；
秧田望水宜栽豆，摘採春茶焙製忙。

二十四節氣詩（夏）

鄧豐洲



立夏

螻蛄和鳴蚯蚓出，春終夏始土瓜生；
含苞吐穗迎新稻，節雨飄飄穀盛盈。




小滿

農時入夏氣陽剛，苦菜開花麥粒張；
北稻含苞梅雨降，王爺穀帝佑豐糧。




芒種

百舌無聲天馬生，伯勞鳴始麥芒萌；
龍舟習俗迎端午，節氣逢雷慶盛成。




夏至

蟪蛄鳴始麥收成，鹿角離時半夏生；
直射回歸長晝日，驕陽至極一陰萌。



小暑

蟋蟀辟居鷹始摯，溫風至極稻禾黃；
日逢六六迎天貺，小暑時分熱漸揚。




大暑

腐草為螢土潤蒸，夏天暑極雨時增；
諺云熱透收成夠，節氣溫高度數升。

二十四節氣詩（秋）

鄧豐洲



立秋

白露降臨天氣濛，寒蟬鳴詠起涼風；
立秋時至梧桐落，節日聞雷穫欠豐。




處暑

義禽祭鳥鷹飛擊，天地肅兮禾乃登；
暑氣猶強行普渡，紅雲日出雨風增。



白露

烈日炎炎晚轉涼，汽凝珠滴草添妝；
初秋白露陽趨弱，晝夜溫差避感傷。



秋分

陰陽各半北南同，晝夜均長位季中；
雷始收聲水始涸，秋分氣爽送金風。



寒露

鴻雁來濱在季秋，園中翠菊色真優；
晶瑩水滴臨凝結，寒露時分凍意稠。



霜降

管芒頭白稻金黃，霜降來時露結霜；
動物冬眠秋季尾，楓紅色豔暴風藏。

二十四節氣詩（冬）

鄧豐洲



立冬

寒季來臨始立冬，雉於大水物藏篷；
帝王祭祀民間補，池面初凝大地封。



小雪

小雪來時天地塞，響晴無雨彩虹藏，
天昇地降寒冬至，白雪初飄畫入塘。



大雪

天寒酷冷結冰淵，大雪紛飛蓋麥田，
鷓旦毋鳴陰氣盛，封河凍地好來年。



冬至

蚯蚓結繩麋角解，寒泉動起一陽生；
團圓祭祀迎冬節，日照南回歸線行。



小寒

冷氣增強高未極，小寒時屆臘風催；
雉鳴喜鵲為巢始，候雁先知向北回。



大寒

冷氣高強臻逆極，大寒湖澤結深冰；
天逢三白農收足，鷺鳥離巢厲疾凌。

鄧豐洲，〈二十四節氣詩〉，《台糖通訊》，第 134 卷第 2 期，2024 號，台南市：台灣糖業股份有限公司，中華民國 103 年 2 月：頁 50。